

Sier Zuan Dolfin, el XL zivil, di sier Lorenzo, il qual, oltra ducati 250 prestò per XL, oferisse ducati 500 e dona il don 426.500

Provedador a Lignago.

† Sier Antonio Capelo, fo a la Doana di mar, di sier Batista, oferisse ducati 200 e dona il don, di qual portò 100, dopio 623.304

Sier Lorenzo da Leze, el XL zivil, qu. sier Giacomo, el qual, oltra ducati 200 prestò per XL, oferisse ducati 150 e dona il don 502.430

Un Zudexe di Forestier.

Sier Gabriel Beneto, el Cinque di la Paxe, di sier Domenego 512.412

† Sier Agustin di Garzoni, fo a la Zecca di l'oro, di sier Hironimo qu. sier Marin procurator 561.368

Sier Francesco da Mosto qu. sier Piero qu. sier Valerio 318.606

Sier Zorzi Arimondo di sier Fantin 362.539

Un Cinque di la Paxe.

Sier Hironimo Bragadin, fo extraordinario, di sier Zuan Francesco 341.562

† Sier Tomà Malipiero di sier Hironimo da Santa Maria Formosa, ducati 100 e il don 556.356

Sier Sebastian Zane, è Piovego, di sier Bernardin 493.476

Sier Hironimo Celsi qu. sier Stefano 330.581

Un Oficial al Dazio dil vin.

† Sier Beneto Griti qu. sier Zuane 551.379

Sier Vidal Michiel qu. sier Francesco da San Canzian 442.488

Un Oficial a la Becaria.

Sier Zuan Filippo Barbarigo di sier Francesco qu. sier Beneto

† Sier Bortolo da Canal, l'avochoato grande, qu. sier Marin

Fo stridato far il primo Gran Consejo, ch'è doman, Podestà a la Badia, Podestà a Budoa, Camerlengo a Ruigo, che non è solito a stridar.

In questo Mazor Consejo, poi stridato, per il Canzelier grandò, e poi publicato le voxe, stando in renga, disse con belle et acomodate parole eri esser stà preso ne l'excellentissimo Consejo di Pregadi et aver trovato in prestedo una bona somma di danari per li presenti bisogni, che è l'acquisto dil nostro Stado, come è noto a tutti, exortando tutti quelli vorano prestar vadino a la Signoria a darse in nota, ovvero damatina in Colegio: li sarà restituidi li danari in termene de anni do, e saranno publicadi tutti nel primo Mazor Consejo che sarà doman, e li Consieri lo dieno far sotto debito de sacramento, cussi quelli hanno prestato come non prestato, a notizia di tutti. *Tamen* niuno andò a oferir, et con effetto pochi zentilhomeni di piazza vien a Consejo, e quelli pochi vien sono di Pregadi, exortadi a venir in scurtinio, e per ogni Consejo si fa scurtinio.

In questa matina, do soli veneno in Colegio a oferirsi prestar: sier Maise Venier ducati . . . sier Mafio Bolani ducati 25.

Et da poi disnar, reduto il Colegio, consultòno la letera si scrive per dimandar l'imprestedo, la copia sarà qui soto.

Item, fo consultato in materia di danari. *Tamen*, niun vol si metti la parte di far Procuratori, et anche non si trova chi voja dar ducati 8000 per esser, ma ben si troveria con ducati 6000, e li Procuratori sono, fanno ogni cosa non siano facti. *Item*, tanxono molti prelati a domandarli in prestedo, *videlicet* domino Petro Grimani ducati 2000, l'abate di Borgognoni ducati 2000, monsignor di San Zorzi e Santa Giustina ducati 3000 e altri *ut patet*, e di questa raxona trovano zercha ducati . . . milia.

Di campo, vene lettere dil provedador Griti di 11, hore 4. Come, hessendo ozi andato monsignor di Lutrech a la caza, lui Provedador rimase a expedir di pagar li fanti spagnoli, et rimase a disnar con el Governador nostro. Come Lutrech fo ritornato, li andoe a parlar, chiamato da lui, el qual, come per gli avisi l'avea di Franza, haremo presto Verona, dicendo bisogna continuar in far le spexe a queste zente d'arme, *aliter* se leverano. *Item*, se gli dagi li danari dieno aver, et che l'orator di, ch'è qui, li ha scritto aver sollicitato la Signoria di danari, la qual li ha risposto saranno mandati etc., per tanto pregava fussenò